

Uunga siunnersuut: Aalisarnej pillugu Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2015-imeersoq

(Inuussutissarsiutigalugu aalisarsinnaanermut akuersissutit tunniunneqartarnerat ingerlaannartarnerallu pillugit allannguutit)

Akissuteqaat

(Aalisarnermut, Piniarnermut Nunalerinermullu Naalakkersuisoq)

3. suliarineqarnera

Aalisarnermut, Piniarnermut Nunalerinermullu Ataatsimiititaliap isumaliutissiisutaa 9. maj 2015-imeersoq tunngavigalugu aalisarnej pillugu Inatsisartut inatsisaata allanngortinnera pillugu Inatsisartut inatsisaata allanngortinneqarnissaanut siunnersuummik Naalakkersuisut saqqummiussipput.

Naalakkersuisut allannguutissatut siunnersuuteqarnermikkut Aalisarnermut, Piniarnermut Nunalerinermullu Ataatsimiititaliap isumaliutissiisutimigut inassuteqaatai Naalakkersuisunit akuerineqarput.

Naalakkersuisut allannguutissatut siunnersuut aqqutigalugu erseqqissaatigaat siunnersuut sinerissap qanittuani aalisarnerup aqqissuuteqqinnerani taamaallaat atorneqartussaammat aammalu siunnersuut siunissaq eqqarsaatigalugu sunniuteqartussaasoq. Inuit siunnersuutip atuutsilerfissaa sioqqullugu inuussutissarsiutigalugu aalisartut akuersissummik pissarsisimasut inuussutissarsiutigalugu aalisartutut piginnaatitaaffitsik tigummiinnassavaat.

Allannguutissatut siunnersuut inuussutissarsiutigalugu aalisartunut inuussutissarsiutiminnut uteqqinniartunut immikkut akuersissuteqarfigineqarsinnaanissaanut periarfissiivortaaq.

Naggasiullugu ataatsimiititaliaq allannguutissatut siunnersuut pillugu 21. maj pitsaasumik kinguneqarluartumillu ataatsimeeqatigisimanagera pillugu qutsavigerusuppara.

Taamatut naatsumik oqaaseqarlunga suliassaq Inatsisartunut suliassanngortippara.